


南海集
朝天集

漢書門類			
三	五	〇	
四	三	五	一
冊	架	函	號


內閣文庫			
三	五	〇	
一	六	四	一
函	冊	架	號

內閣文庫	
番號	漢 3501
冊數	43 (10)
函號	316 3





誠齋集卷第十八



淺草文庫

廬陵揚州 万里 延秀

詩

南海集

登南列奇觀前臨大江浮橋江心
起三石臺皆有亭子

海邊樓閣海邊山銀竹初收霧日寒看着

南列奇觀了人間山水不須看

玉壺冰底卧青龍海外三山隨眼中奇觀

揭若渾未只在只消題作小垂虹



誠齋集卷

平賊班師明發潮列
不是潢池赤白囊何緣杖屨到潮陽官軍
已掃狐兇窟歸路莫孤山水鄉便去羅浮
參玉局更登浴日打杖桑還家兒女搜行
李滿袖雲煙雪日香

潮陽海岸望海

動地驚風起海陬為人吹散兩眉愁身行
島北新春後眼到天南最盡頭衆水更來
何處着千峯赴比却回休客間供給能消
底萬頃煙波一白鷗

除夜宿石塔寺

醉後先眠客莫嗔誰能守歲費精神幸無
爆竹驚寒夢休羨椒花頌好春今歲明年
纔隔又人情物態頃趨新遙憐兒女團
處政欠屠酖第十人

每飲屠酖十人

壬寅歲朝發石塔寺

曉鍾夢裏苦相呼強裏烏紗照白鬚只有
銅爐燒柏子更無玉盞渴屠酖佛桑解吐
四時豔鐵樹還如九節蒲省得一朝疲造
請却教終日走長塗

寺法堂前有紅佛座四時有花又有小木

名鐵樹葉似蕩而
紫藥似密茅菖蒲

晨炊黃岡望海

望中雪嶺界天橫
雪外青瑤地平白
底是沙青是海捲
簾看了却心驚

海岸沙行

海濱半徑沙上路
海風吹起成煙霧
行人合眼不敢觀
一行一步愁一步
步步沙痕沒芒履
不是不行行不去
若為行到無沙處
寧逢石頭齧足柶
寧踏黃泥濺袍袴
海濱沙路黃再度

莫

榕樹

直不為楹園不輪
斧斤亦復赦渠薪
數株連碧真成菌
一脛空肥總是筋

食車螯

珠宮新沐淨瓊沙
石鼎初燃淪井花
紫殼旋開微滴酒
玉膚莫熟要鳴牙
棖拖金線成雙美
薑擘糟丘併一家
老子宿醒無解處
半杯羹後半甌茶

食蠟房

蓬山側畔屹蠟山
懷玉深巖萬壑間
也被

酒徒勾引着薦它尊俎解它顏

食蛤蜊米脯羹

頃來百顆恰盈奩剥作杯羹未屬厭莫遣
下鹽傷正味不曾着蜜若為甜雪搭玉質
全身瑩金綠水鈿半縷纖更浙香杭輕糝
却發揮風韻十分添

銀魚乾

初疑柘蘭雪爭鮮又恐楊花糝作鹽却是
剪銀成此葉如何入口軟於綿

烏賊魚

秦帝東巡渡浙江中流風緊墜書囊至今
收得磨殘墨猶帶官車載鮑香

泊流潢驛潮風大作

忽看草樹總離披記得汝行昨日時除却
潮來無別事海風動地亦何為
潮來潮去有何功費盡辛勤辦一風若使
無風潮自至信他海伯有神通

正月三日宿范氏莊四首

開歲又涉三我征良未休沙行地一牙百
里縱遐時景換物自欣曠迫情及愁中田

詞苑集卷
緬雲莊聊復執我輶追程有底急行急能
至不三峯從何來駿奔若鳴騶當戶不忍
去裴回為人留對之成四友呼酒與獻酬
我醉山自醒相忘却相求
野踐得幽詠不吐聊自味健步忽傳呼云
有遠書至開緘祗暄涼此外無一事奇懷
坐消派追省寧復記方驤遠成悶俗物真
敗意山鵲下虛庭對語含喜氣一笑起振
衣吾心本無滯

酒若忘憂物未盡酒所長醉後忘我身安

得憂可忘我飲初不多不可無一觴平生
難為酒甘醴斷不嘗要與水爭色仍復菊
敵香氣盎春午花味稟秋旭霜三杯合自
然一滴詣醉鄉竭來困行役若酒安可常
甘淡俱不擇芳冽那得將酒味何必佳一
醉徑投床但令有可飲不醉亦何妨
山歷愁寡天沙征恨多地兩日行海濱雖
近彌不至遐瞻道旁堆我進渠祗退大風
來無隔午燠飯安避今夕范氏莊初覲三
峯翠愈遠故絕瓊不多始足貴嶮然半几

嶮

出蹇若一奉細輕霏澹晚秀隕照燁春媚
翫久有餘佳繪苦未必似今夕勿掩扉月
中對山睡

初四日晨炊橫翠亭

近者三峯失一峯其餘都與昨來同多情
橫翠亭前玉伴我同行兩日中

人日宿味田驛

破驛荒涼晚解鞍急呼重碧敵輕寒南中
氣候從頭錯人日青梅已醱酸

登大鞋嶺望大海

杖履十崖表波濤萬頃前瓊天吹不定銀
地濕無邊一石當流出孤尖阜筆然更將
垂老眼何許看風煙

晨炊叱馭驛觀海邊野燒

南海驚濤卷玉缸北山野燒長紅懂山神
海伯爭新巧併慰詩人眼一雙

海岸七里沙

大風吹起翠瑤山近岸還成白雪團一浪
攙先十浪怒打崖裂石與君看

行人莫道岸邊行便恐波頭打倒人若道

岸高波不到玉沙猶濕萬痕新
鮮奧潭登舟

船閣寒沙待晚潮行人舟子各相招
一朶三十丈隔海飛來對面鋪

宿南嶺驛

藪手猶奉已箸長菊苗初甲可羹
富貴無人享一路春風野菜香

茅花似雪後如茸一望平原淺草中
向人揮玉塵知將何事語春風

初十日早炊蕉步得家書并家釀

漢池東定得西還病後壘中竟鮮
朝來有新喜庭闈一騎報平安
年年自漉雪前醅今歲無緣得一杯
荒村悠絕處家中送得六尊來

惠剎豐湖亦名西湖

左瞰豐湖右瞰江五峯出沒水中
寺寺樓樓日清殺東坡錦繡腸
三處西湖一色秋錢塘潁水更羅
元是西湖長不到羅浮便得休

正月十二日游東坡白鶴峯故居

其北思無邪齊真蹟猶存

詩人自古例遷謫蘇李夜郎并惠列人言
造物因嘲弄故遣各捉一處囚不知天公
愛佳句曲與詩人為地頭詩人眼壓高四
海萬象不足供詩愁帝將湘海賜湯沐堇
莖可以當冥搜却令玉堂揮朝手為提掇
筆判羅浮羅浮山色濃潏黛豐湖水光先
得秋東坡日與群仙遊朝發崑閬夕不周
雲冠霞佩照宇宙金章玉句鳴天球但登
詩壇將騷雅庶用蟻元封王侯元符諸賢

翰

下石者極與千載掩鼻羞我來剝啄王粲
宅鶴峯無恙江空流安知先生百歲後不
來弄日白蘋洲無人挽任乞一句猶道雪
乳冰湍不當年醉裏題壁處六丁已遣雷
電收獨遺無邪四箇字鸞飄鳳泊蟠銀釣
如今亦無合江樓嘉祐破寺風颼颼

解舟惠列東橋

南窗寧差北西歸敢再東猿聲雲樹日客
枕露船風綠髮春全白蒼顏酒不紅莫憎
愁與病留取伴哀翁

放船

岸岸人家在門門面水開老翁杖杖立
子看船來一夜鳴春雨諸灘漲綠醅
順流行自快更着北風催

感興

行役忘衰暮逢春感物華
一來梅嶺外三見木綿花
山鹿寧游市江鷗本卧沙
紅塵無了日白髮未還家

夜泊曲灣

順流一日快舟行薄暮風濤特地生
不是

江神驚客子勸人早泊莫追程

曲灣放船

梅子成陰夾道周木綿吐焰滿江頭
春來不是無桃李臘月開花已落休

石灣雨作得羣師采若書約觀燈

昨暮顛風浪打頭那知今日得安流
元霄不為遊人好細雨先供客子愁
病骨支離坊酒殘詩仙招喚試燈
毬書生薄命多磨折樂事良辰判却休

舟中望羅浮山

謝靈運集卷
羅浮元不是羅浮自是道家古蓬丘弱水
只知新舟楫葛仙夜偷來惠剎羅浮山高
七萬丈下視日月地上流黃金為橋接銀
漢翠琳作闕橫瓊樓不知何人汗脚迹解
忤清虛澆寒碧天遣山鬼絕凡客化金為
鐵瓊為石至今石撲人莫登鐵橋不見空
有右玉匙金鑰牢鑰高但見山高水冷冷
我欲騎麟鬣鸞鳳目為環佩星為從前驅
子晉後安期飛上峯頭斲丹朶

南海東廟浴日亭

南海端為四海魁扶昏絕境信奇哉日從
若木梢頭轉潮到占城國裏回最愛五更
紅浪沸忽吹萬里紫霞開天公管領詩人
眼銀漢星槎借一來

題南海東廟

激
羅浮山如萬石鍾一股南走如渴龍雷奔電
萬透不住直抵海濱無去處偃頭飲海吐絛
霞舉頭戴着祝融家珠宮玉室水精殿萬水
一日朝再銜青山四圍作城郭海濤半浸青
山脚客來莫上浴日亭亭上見海君始驚青

山欽處如玉玦潮頭飛來打雙闕晴天無雲
灑碎雪天下都無此奇絕大海更在小海東
西廟不如東廟雄南來若不列東廟西京未
睹建章宮海神喜我着綺語為我改容收
霧雨乾坤軒豁未能許小試日光穿漏句
鑷白

和鞏來若游蒲澗

南中道是鳥夷居也有安期宅一區履蕘

遣半時閑

苔痕猶故跡寬旌鸞佩已清都元戎解領
三千騎勝日來尋九節蒲萬壑松風和洄
水鳴琴漱玉自相娛

船過靈洲

却緣野闊覺天低及值潮平苦棹遲洲嘴
雨船尾別港岸頭數屋出踈籬江山慘淡
真如畫煙雨空濛自一奇病酒春眠不知
曉開門拾得一篇詩

近岸

十日都無一日晴牽船客子總斜行一川

黃犢朝朝飽 岸草何曾減寸青

泊鴨步

江流自在水風輕 雲去天來半欲晴 雨岸
東西三十里 杏花楊柳樹隔江明

明發鴨步

兩歲春船各一時 今年船快去年遲 青山
面目何曾改 清曉看來別樣奇

過黃巢磯

黃巢磯與白沙灘 只是聞名已膽寒 自笑
南來三換歲 一年一度化驚湍

望清遠峽

刺船又入峽山間 江水初平失惡灘 道是
峽山天下險 老夫今作坦塗看

舟人吹笛

長江無風水平綠 也無鞞文也無穀東西
一望光浮空 瑩然千頃無瑕玉 船上兒郎
不耐閑 醉拓橫笛吹雲煙 一聲清長響徹
天山猿啼日澗落 泉更打羊皮小腰鼓 頭
如青峯手如雨中流 忽有一大魚跳破琉璃
文來許

迎峽

望峽初愁遠當前忽不知如何船進處却在棹停時

清遠峽四首

峽水都是泉非雨元自足不知幾滴珠比此一川玉旁將山深翠仰為天寫緣何當雪月夜孤艇葦間宿

清晨霧雨重不敢開船門小窓試微啓逗入一船雲何曾燒龍麝香霏遠吾身身在雲水上何許覓點塵

峽

清遠望峽山山脚無半里小舟行其間五日翠未已並馳兩蒼龍中夾一玉水送我到英列渠當自回轡

誰閑峽山寺政要避世喧深潭無來路新崖有青天療飢摘山果擊聲煩嶺猿人跡今擾擾抵緣一漁船

光口夜雨

峽江清空峽雨急寒聲夜半蕭蕭發玻璃盆面跳萬珠一顆一聲清入骨夢中搔首起來聽聽來聽去到天明一生聽雨今頭

白不識春江夜雨聲

出真陽峽

過盡危磯出小潭
回頭失却石峯巉
春寒料峭元無事
知我猶裁一布衫
細雨初來刺水紋
三針雨線未教繁
不知忽有何忙處
急洒千千萬萬痕
峽嶺分明是假山
亂堆佐石入雲間
上頭更種青瓊樹
下照春江玉鏡寒
峽中出了又逢灘
破浪牽船分外難
只是峽山臨欲別
此灘留我再看山

江楓新染綠
夜衫知費春風幾
把藍道是春光在
桃李試除桃李儘
教參

入峽長思出峽行
出來却憶峽中清
一江

碧水供詩硯
兩岸青山作硯屏

只言英石冠南中
未識真陽一雨峯
遮莫

坡陀將不去
將詩描取小玲瓏

今歲春流漲
又銷水痕猶印石
間茅渚槎

却被春流誤
長掛江邊小樹梢

春光濃裏更江行
畫舫分明是水亭
出了

真陽恰惆悵
數峯如笋雨中青

出峽即見碧落洞數石峯

未必陽山天下窮
英烈窮到骨中空
都官只怨無供給
支與真陽數石峯

山雲

春從底處領雲來
日日山頭紫作堆
戀着好峯那肯去
欲開猶遠雨三回

碧落洞前灘水

水知山迫已先狂
箭往星奔趁下瀧
灘下洄流能耐事
漩渦百轉看它忙
石峯背後即英烈
只不教人到岸頭
羅帶春風吹不直
故將數摺惱行舟

碧落峯前上一灘
篙師叫得口都乾
開門將謂舡行遠
只在峯頭蘆荻灣

北風

山雨無休歇
江雲政鬱葱
如何急灘水
更着打頭風
草作傷心碧
花能可意紅
一年春好處
却在道途中

正月二十八日峽外見鷺子

社日今年定幾時
元宵過了鷺先歸
一雙貼水嬌無奈
不肯平飛故反飛
不宿青楓學子規
不穿綠柳伴鸚啼
雙飛

只愛清江水自喜身輕照舞衣

回望峽山二首

英列挽不來峽山推不去行了一日船依
舊朝來處

浪喜出峽來峽亦何曾出兩岸只無山依
舊江刻屈

碧落洞

碧落諸峯是碧簪忽於平地挿瑤峯洞中
定有神仙宅玉室金堂不可尋
夢中曾泊洞前船落絮飛花是去年今日

來尋泊船處一江風雨草連天
洞裏仙人在費切鑿江屈曲做神通千槩
萬繞留江住畢竟奔流入峽中
際會諸灘吼怒雷遭逢江勢更縈回今霄
不到英列定何用山雲送雨來

却石峯

四旁不與衆山連特地孤尖立半天碧落
諸峯非不好讓它即石一峯先

正月晦日自英列舍舟出陸北風

大作

北風吹得山石裂北風凍得人骨折南來
何曾識此寒便恐明朝丈深雪今朝幸不
就船行白浪打船君更驚只是山行也不
好筭輿寸步風吹倒

英石鋪道中

一路石山春更綠見骨也無介許肉一峯
過了一峯來病眼將迎看不足先生盡日
行石間恰如蟻子窠假山穿雲渡水千萬
曲比身元不離巖壑莫嫌宿處破茅屋四
方八面森冰玉孤峯高絕連峯修斷者如

圓

稟尖如錐蒼然秀色借不得春風領入玉
東西英剎那得許多石誤入天公假山回

神堂鋪前桃花

北江二月改春寒初見桃花喜未殘臘日
潮剎見桃李元來不作好春看

過陳公逵

去歲陳公逵裏松船中仰看愛松風只今
身在松風裏下看江船西復東
江行十日厭船遲却換籃輿踏路泥江水
別來纔兩日陳公逵下再相隨

鵝臯鋪前桃花

歸來長恐已春遲恰是東風二月時路上
桃花亦懽喜為人濃抹濕燕支

南華道中

清曉新晴物物熙小風淡日暖歸旗不堪
回首南華路去歲梅花細雨時
騎吏歡呼不要喚二千里外北歸人慇懃
自掬曹溪水淨洗先生面上塵

荔枝歌

粵大吹雪非差事粵人語水夏蟲似北人

冰雪作生涯冰雪一窖活一家帝城六月
日阜于市人如炊汗如雨賣冰一聲隔水
來行人未喫心眼開甘霜甜雪如壓蔗年
年窖子南山下去年歲冰減工夫山鬼失
身嬉西湖北風一夜動地惡盡吹北冰作
南雹飛來嶺外荔枝梢絳衣朱裳紅錦包
三危露珠凍寒泚火傘燒林不成水北人
歲冰天奪之却與南人銷暑氣

嘗瓜

病骨那禁暑裏年更作愁有風依舊熱初

伏幾時秋瓜果誰新餉饒涎小忍休金盆
井花木且看玉雙浮

風露盈盞至井杏隔壁圍綠博鬯一栢白
裂玉平分辨甃開冰浸梅山失火雲老夫
供晚酌不用辨羶葷

讀武惠妃傳

桂折秋風露折蘭千花無朵可天顏壽王
不忍金宮冷獨獻君王一玉環

聖筆石湖大字歌 有序

淳熙聖人錫宴臨遣端明殿學士參

政臣范成大居守金陵觴次肆筆作
石湖二大字賜之以寵其行臣成大
刻石以碑本分似小臣楊万里敢拜
手誓首敬賦長句

石湖仙人補天手整頓乾坤屈伸肘爾來
化作懶卧龍皴弄珠璣漱瓊玖五雲萬里
天九重玉皇深拱蓬萊宮豈無九虎守閭
闔北門半扉當朔風夜令雲師勅風伯鞭
起卧龍湖底月湖水卷上天中央却煩地
門護風雪仙人馭風乘綠雲玉宸殿上朝

誠齋集卷第十八終
帝真帝將北斗酌天酒水桃碧藕脯麒麟
傳呼玉螭吸銀浦點霜調冰澆日允灑成
羲畫河洛書白壁一隻浮雨露石湖二字
天上歸奎星壁宿落山扉昭回下飾吳花
草姑蘇臺前迎太微詩人不直一杯水自
是渠儂命如絃教人妬殺石湖仙手攬星
辰懷袖底

嘉定元年春三月男長孺編定

端平元年夏五月門人羅茂良校正

誠齋集卷第十九

誠齋集卷第十九

廬陵楊 一星 廷秀

詩

朝天集

淳熙甲辰十月一日擬有試萬民

觀治象詩

魏闕春風裏王城曉日端三朝垂治象萬
姓得策觀老釋看如堵章程炳若丹九天
新雨露一札妙龍鸞遠覽周官舊重瞻漢
詔寬歡聲將喜氣銷盡柳邊寒

仲冬

詔追造朝供尚書郎職舟行阻風
青泥

東關催人赴赤墀北風攔我泊青泥會當
老子有行日未信北風無住時
破籬外面即江流枯樹梢頭總客愁隔水
遠山濃復淡殷勤點綴一川秋
江神風伯戰方酣北浪吹翻總向南未放
人扶下江柁却教眼看上江仇

明發青泥衝雪刺船

冰棹風船雪滿蓬詩人醉臥水晶宮追程
未到君休問且啓瓊窓看玉峰
碧玉波頭綠錦綉玉妃踏舞襪生塵先生
竒觀誰分却不分孤舟獨釣人
紅玉麒麟未作灰自溫瓊液寫銀杯雪花
萬片江千頃更欠人間底物來

過招買渡

扁船舊掠招買渡惡灘橫將船閣任風吹
日炙衣蒲沙嶮牽兒啼投店家一生憎殺
招買柳一生愛殺招買酒柳曾為我礙歸

舟酒曾為我消詩愁

三衢登舟午睡

午思昏昏不肯醒倦投竹枕睡難成曉然
有夢疑非夢聽得人聲及水聲

望橫山塔

水面生風分外嚴竹根剝雪更新添六年
不見橫山塔茅屋東邊忽半尖

曉泊蘭溪

金華山高九天半夜雪瑩成珠玉案蘭溪
水清十頃強朔風東作瑤瑤缸日光雪光

兩相射病眼看來忘南北恨身不如波上
鷗脚指為揖身為舟恨身不如沙上鴈蘆
花作家梅作伴打綿冰酒未是寒曉寒真
欲冰我肝急閉竊蓬擁爐去竹葉梨花十
分注

蘭溪解舟

兩岸十千萬萬峰看來冷白復寒紅人言
雪嶺非銀嶺三日晴光曬不融
日開五色暖征裘雪蒲羣山爽病時道是
詩人窮到骨暖邊奚裏放蘭舟

只怨灘淺閣行舟到得江深又不流水鳥
避人飛不徹看他沒去看他浮
際晚江風刮面來曉寒已去却重回也知
青女墮勝六糞二何須強作媒

梳頭者可正平詩有寄養直時未
祝髮等篇戲題七字

却因理髮得披文看盡廬山筆底春寄語
可師休祝髮癩邊猶有去年痕
老子平生湯餅賜客間湯餅亦何辜怪來
今晚加餐飯一味廬山笋蕨香

暮泊鼠山聞明朝有石塘之險

下水船逢上水船夕陽仍更波沙灘鴈來
野鴨却驚起我與舟人俱仰看回望雪邊
山已遠如何逢底暮猶寒今宵莫說明朝
路萬石堆心一急湍

夜泊釣臺小酌

牛狸送我止嚴陵黃雀隨人或帝城海錯
未來卸味盡一杯今夕笑先生

追和尤延之檢詳

紫宸殿賀雪

錫山詩老立層霄黃竹賡歌寡在瑤有客
夢中聞雪作曲肱蓬底信舩搖雪時余方解舟三衢
遙知端葉飄香袖笑向梅花趁早朝未嘆
山人負猿鶴負渠縮項與長腰

和陳蹇叔郎中乙巳上元晴和

御柳梢頭晚不風官梅面上雪都融如何
闐闐新春夜頓有芙蓉蒲眼紅十里沙河
人最鬧三千世界月方中買燈莫費東坡
紙今歲鰲山不入宮十四日晚有旨徹禁中山棚

二月望日逸宿南宮和右延之右

司郎署踈竹之韻

此君見我眼猶青笑我吟髭雪點成憶昔
與君同舍日聽渠將雨作秋聲夜來逸宿
三更悄葉底春寒一倍生夢入故園數新
笋穿籬破蘚幾莖橫

春寒早朝

千載江湖今又歸朝雞不許夙興遲每聞
撲鹿初鳴處正是鬢鬆好睡時病眼生憎
紅蠟燭曉光未到碧桃枝誰能馬上追前
夢坐待金門放玉篴

二月二十四日寺丞田文清叔及
學中舊同舍諸丈拉予同屈祭酒
顏文幾聖學官諸丈集於西湖雨
中泛舟坐上二十人用遲日江山
麗四句分韻賦詩余得融字呈
同社

正月一度游玉壺二月一度游真珠是時
新霽曉元初西湖獻狀無遺餘
君王予告作寒食來看孤山海棠色海棠
落盡孤山空湖上摹糊眼中黑夜來三更

湖月明羣仙下墮嬉殊庭東坡和靖相先
後李成郭熙在左右惠崇捧硯大如箕大
年落筆疾於飛磨墨為雲灑為雨湖波掀
舞山傾款盡作西湖煙雨障今晨掛在孤
山上同來諸彦文章公不數錢起兼吳融
何如玉船一舉百分滿一笑千峰煙雨散
類試所戲集杜句跋杜詩呈監試
謝昌國察院

有客有客字子羨日糴太倉五升米錦官
城西生事微盡醉江頭夜不歸青山落日

江湖白嗜酒酣歌拓金戟語不驚人死不
休萬草千花動疑碧輝子敲針作釣釣老
夫乘興欲東流巡簷索共梅花笑還如何
遜在楊列老去詩篇渾漫與蛟蝶飛來黃
鸚語往時文采動人主來如雷震收震怒
一夜水高數尺強濯足洞庭望八荒閭闔
晴開映蕩蕩安得仙人九節杖君不見西
漢杜陵老脫身事幽討下筆如有神汝與
山東李白好儒術於我何有哉願吹野水
添金杯焉知鐵瓦填溝壑如何不飲令心

哀名垂萬古知何用萬牛回首丘山重

予因集杜句跋杜詩呈監試謝昌

國察院謝文後集杜句見贈予以

百家衣報之

棘圍深鎖武成宮華裾織翠青如葱謝公
文章如虎豹林間一嘯四山風天下幾人
學杜甫千江隔兮萬山阻畫地為符未必
似更覺良工心矧若誰登李杜壇浩如海
波翻奄有二子成三人古風蕭蕭筆追還
我詩如曹鄴折東補西裳作帶令人還憶

謝玄暉崑崙虞泉入馬蹄我願四方上下
逐東野只有相逢無別離

揚花

只道垂揚管別離揚花一去不思歸浮蹤
浪跡無拘束飛到蛛絲也不飛

擬花葉亞枝紅詩

花密非無葉繽紛亂眼中十枝相亞開一
色總成紅赴曉挑如積爭晴杏欲烘金鬚
迷不見玉頰醉來同頓覺江山麗都将錦
繡籠春光誰畫得分付武陵翁

四月五日

車駕朝歡

景靈宮省前迎

駕起居口號

鳳輦雲行露未銷鸞旗風動柳相高晴雷
出地傳清蹕霽日吹紅染

御袍喜見

天顏浮玉藻帟從

原廟薦櫻桃小臣再得瞻黃繖兩鬢星星
不滿搔

沈虞卿秘監招游西湖

蘇公堤遠柳生煙和靖園深竹映關船入
芰荷香處去人從雲水國中還似寒如暖
清和在欲雨翻晴頃刻間能為蓬萊老僊
伯一杯痛快吸湖山

陳蹇叔郎中出閩漕別送新茶李

聖命郎中出手分似

頭細別樣建溪春小璧蒼龍浪得右細瀉
谷簾珠顆露打成寒食杏花錫鷓鴣梳面
雲縈字免褐甌心雪作泓不待清風生兩

腋清風先向古端生

送御僧德璘監寺緣化結夏歸天

童山

一別璘公十二年故當刮目為相看問儂
叔得曹溪水雪下春風吹已乾
七百支郎夜忍飢木魚閉口等君歸還山
大衆空觀喜只有誠齋兩首詩

荅提點綱馬驛程劉俊武翰

公幹當年子建親景文今代大蘇賓絕知
將種仍詩種不放騷人與外人

解道征鴻數字秋清於雪
梳映水甌老來
筆底心無毒文割風光與子休

吳春卿郎中餉臘豬肉戲作古句

老夫畏熱飯不能先生饋肉香傾城霜刀
削下黃水精日行斫出紅松明君家豬紅
臘前作是時靈沒吳山脚公子彭生初解
縛糟丘挽上凌煙閣却將一齋配兩螯世
間真有楊列鶴

戲作司花謠呈詹進卿大監郎中

靈君觴客勝王家鰲頭仙人作司花仙人

一笑春風起開盡仙源萬桃李花冶白
桃倡紅坐客批霞李雪中仙人半酣舞造
化風吹雨打千花空馮香菸色付一掃病
蒼殘英又嫌老落花已對春風羞新花也
對春風愁姚黃魏紫世無種且據眼前桃
李休

直宿南宮

獨直南宮午初吟祥雲淡淡竹陰陰小風
慢落鵝黃雪看到槐花一寸深
今年秋暑更禁它無計商量柰熱何一霎

飄蕭涼一日雨來銷得幾多多
秋熟連宵睡不成移床換枕到天明今宵
不熟還無睡却為宮簷瀉聲雨

大司成顏幾聖率同舍招游裴園

泛舟繞孤山賞荷花晚泊玉壺得

十絕句

鳳城魚鑰曉開銀國子先生領措紳山水
先中金鑿落芙蓉杏裏葛頭巾

小步深登野寺幽古松將影入茶甌鈴聲
忽起九天半有塔危峰最上頭

岸岸園亭傍水濱裴園飛入水心橫旁人
莫問游何許只棟荷花開處行

船開便與世塵踈飄若乘風度太虛坐上
偶然遺餅餌波間無數出龜魚

西湖舊屬野人家今屬天家不屬他水月
亭前且揚柳集芳園下儘荷花

小泛西湖六月船船中人即水中仙外鋪
雲錦千弓地中度瑠璃百摺天

城中簷上買蓮房未抵西湖泛野航旋折
荷花剝蓮子露為風味月為香

故人京尹劇風流走送厨珍佐勝游青李
來禽沈去聲冰雪黃金白壁斫螭螭
人間暑氣正如炊上了湖船便不知湖上
四時無不好就中最說藕花時
游盡西湖賞盡蓮玉壺落日泊樓船莫嫌
當處荷花少剎展湖光幾鏡天

謝胡子遠郎中惠蒲大韶墨報以

龍涎心字香

墨家者流老蒲仙碧梧採花和麝煙華陽
墨水煎膠漆太陰玄霜作肌骨龍尾磨肌

黑

飲鼠鬚落點髭几几不如夷甫清瞳光
日一見墨卿驚自失後來夔州有梁果爾
來黟川有吳老亦追時好得時若竟為蒲
生豈降旌吳滋往往玄尚白采墨濕濕藕
黏壁南宮先生來自西惠然贈我四玄圭
我無鵲返鸞迴字我無金章玉句子得君
此贈端何似兀者得韡僧鬣得安得玉案
雙鳴璫金刀繡段底物償送似龍涎心字
香為君興雲繞明窓

新涼五言呈尤廷之

暑極無可增夏餘亦復幾出人暍欲腊日
日望秋至秋至涼不隨夏去熟未已一夕
睡美餘秋從簟波起新涼來何方灑若清
到髓夕前輕雨作雨後微風駛涼偶與之
偕未必涼因此向來亦風雨既止暑更倍
但令暑為涼老病有生意何必問所來亦
莫悲徂歲

小齋晚興

不會陳家養鴿兒清晨齊放晚齊扁網絲
到處繁人鬢欲打蜘蛛棟最肥

尤延之和予新涼五言末章有早
歸山林之句復和謝焉

投分詎云稀會心諒亡幾從君謔何竒與
我稟獨至相逢情若忘每別懷不已偶因
新涼篇令予懦全起藉草分澗芳陟巘共
石髓松陰俯逝波不徐亦不駛平生還山
約終食能忘此可憐各異縣千里復三倍
它日寄相思百書那寫意從今可相踈却
嘆日為歲

省宿題天官廳後竹林

秋聲偷入翠琅玕葉葉竿竿玉韻寒聲在
樹間元未是秋聲只在竹林間

賀

皇太子九月四日生辰

地出雪初震天昇日更重高飛千里鶴潛
躍九淵龍隆準如高帝虬鬚似太宗八荒
陰賜裏戶戶是華封
代邱躬仁儉湯孫世聖賢誰云無二日今
恰見三天甲觀初寒夕神光似晝然前星
那解老何但八千年

重九吹花節千齡夢日時東朝分菊水南
內賜萸枝禹酒無多酌堯樽更一卮三宮
千萬壽剝費若干詩

繼照妥天縱分陰學日勤橘中招綺夏
處屏任父老別魚竿月來依鶴禁雲還將
古為鎡耶當野人行

和同年李子西通判

走馬看花拂綠楊曲江同賞牡丹香向來
年少今俱老君拜監列我作郎北闕小遲
蒼玉佩南征聊製芟荷裳病身只作家山

夢徑菊詩葩兩就荒

九日都下黃萸食新

九日新霜薄羣飛一網遮裘披楊柳絮色
深水犀花下箸欣卿味知儂憶故家金杯
浮菊菜相映兩光華

九日即事呈尤廷之

昨日茱萸未若香今朝籬菊頽然黃浮英
泛菜多多著舊酒新醅細細嘗節裏且追
千載事鬢邊管得幾莖霜正冠落帽都兒
態自笑狂夫老不狂

和周元吉尤司東省培竹

雞省有真植鷺行銷晝煩憎柳媚綠暗伴
梅耿黃昏何須雪負負始愛渠軒軒里守
孤竹固肯折先軫元如何桃李時筍短不
出垣周郎夜入直挾策攜酒尊為渠問玄
夫乃遇震為坤喜渠必蕃昌吟到落金盃
曉喚郭橐駝提耳細細言汲水龍井泓輦
上天竺原妙偷造化窟仁及冰霜根為賦
淇奧詩絕去筆墨痕何時淮陰市能報漂
母恩周郎顧之笑吾自哀龍孫

和周元吉左司夢歸之韻

半似清狂半白癡不須人笑我心知煙霞
平日真成癖山水中年却語離錯討浪隨
雲出岫感君能遣雨催詩居然喚起還家
夢橘刺藤梢隔槿籬

給事葛楚輔侍郎余處恭二嘗事

拓 儲禁同寮沈虞卿祕監詢德

允延之右司侍講何自然少監羅

春伯大著二宮教及予泛舟西湖

步登孤山五言

曉雨擣珠屑吹作空中塵拂水無落暈映
戀有透痕兼華兩端尹嘉拓出城闈一尊
澆雲師借風開畫昏諸髮忽脫帽孤鏡亦
捲袖西湖鬢復皎南山洗如新舍舟步柳
堤曳杖啄松門乃是小上林亦有虎守閭
桂落賸金粟蓉花濃繡屏高堂竹梢上幽
榭荷葉賓羣仙此小憩呼酒領一飲秋花
隔水笑笑我隨紗巾更醺不知籌互嘲還
作春行樂戒多取况復及羲輪鬢兀頽
玉那知醉與醒

賀

皇孫平陽郡王十月十九日生辰
玉曆當千運天潢第一源本文堯百世有
道宋曾孫接武前星曜依光太極尊年年
會慶節更慶茁蘭孫

送王成之中書舍人使虜

帝遣唐朝第一人玉門關外賜金銀使星
芒動梅花早漢月光垂塞草春故國山河
迎

詔旨中原父老識詞臣十分宣慰萃戎了

歸為君王轉大鈞

李聖俞郎中求吾家江西黃雀醞
法戲作醞經遣之

江夏無雙小道士一丘一壑長避世裁雲
縫霧作羽衣蘆花柳絲當裘袂身騎鴻鵠
太液池脚踏金墓攀桂枝渴飲南陽菊潭
水飢啄藍田粟玉芝今年天田秋大熟紫
皇遣刈神食穀一雙鳥寫隨雲羅夜隨七
人臥茅屋賣身不直程將軍却與彭越俱
策勲解衣戲入玉壺底壺中別是一乾坤

水精鹽山兩岐麥身在椒蘭衆香國玉條
脫下澡凝脂金巨羅中酌瓊液平生學仙
不學禪剗心洗髓糟床邊諸公俎豆驚四
遙猶得留侯借箸前昔為飛仙今酒仙更
入太史滑稽篇

食蒸餅作

何家籠餅須十字蕭家炊餅須四破老夫
飢來不可那只要鵲啣吞一箇詩人一腹
大於蟬飢飽翻半覆午間須史放筋付一
莞急喫龍團分蟹眼

早朝

紫宸殿賀雪呈尤延之二首

雪花將瑞獻

君王晴早銷遲戀建章不昔獨清須帶月
猶嫌未冷更吹霜

雪妃月姊宴羣仙珠閣銀樓集玉鸞老子
來看叔不徹梅梢拾得水精盤

擬乙巳南郊慶成二首

已醞方諸月底泉更昇燿火挂梢煙煇黃
惺坐明金炬太紫虛皇下碧天玉路旋常

龍十二繡衣向薄虎三十萬人隨
駕還闔闔看奪金雞雪柳邊

上瑞今年特地奇大田多稼與雲齊星沈
折木天銜北波靜崑崙渤海西帝在紫壇
神在次穹如蒼蓋日如珪

一人執玉千官肅萬馬和霜不敢嘶

代賀郊祀慶成二首

聖主勤民歲自豐德威懷遠塞塵空鬱金
裸鬯周茅屋瑄玉親郊漢竹宮已刺六經
新作制却追三代與同風雞竿更霽如天

澤殿柳宸梅雪正融

天為

君王幸泰禋飛奕踈雨淨香塵金波玉李
浮蒼壁風馬雲車降紫旻萬寶豐年真上
瑞八方和氣藹成春受釐未肯專宜室鴻
號還將壽

兩親

和周元吉左司郊祀慶成韻

八觚泰畤六郊天一柱明堂再饗先日月
旂常寒映雪冕旒珠玉暖生煙風回韶濩

龍鱗外花覆貌貅鳳閣前喜溢
天顏應未了又迎慶壽入新年

送章德茂少卿使虜

雪後聞君策馬蹄長纓自請繫撐犁光華
釵佩伴吾北鞞壓風濤瀚海西漢苑秦關
愁外眼邊花塞月醉中題歸來聽履星辰
上誰道淮陰假鎮齊

借尚書

送詹進卿大監出宣城

今代誓山賀季真前身江左謝宣城向來
詔策無雙手已逼雲霄尺五程銀杏木瓜

分我否鴛鴦野鴨莫渠驚玉皇香案方虛
竹看即徵黃侍紫清

和章德茂少卿拉館學之士四人

訪王德俗提幹

西玉南金價則同帝城相對落花風人如
天上珠星聚談到尊中竹葉堂白紵烏紗
青寶玦紫鸞黃鶴碧梧桐子鈴此過還孤
往恨殺燈前欠老翁

送何一之右司出守平江

十年一別再從游又見魚書拜徹侯人物

只今何水部風流不減柳蘇列白蘋洲上
春傳語鳥鵲橋邊草喚悲報政不應遲五
月鸞花紫禁汙掃舟

送羅春伯大著提舉浙西

晁董聲名彼一時夫君下筆與渠齊
兼明厭直辭金馬英蕩非關訪碧雞
山欲動搖增氣色詔書宣布舞羣黎
歸期只在千秋節留賦蒼苔鳳掖西

德壽宮慶壽口號

淳熙丙午元日

聖上詣

東朝慶壽八秩積陰頌晴飛雪弄日
聖孝昭格萬姓呼舞擬作口號十解
長樂宮前望翠華

玉皇來賀

太皇家青天白日仍飛雪錯認東風轉柳
花
清曉鞭聲出禁中驚開剌雨及殘風金鴉
銜取紅鸞扇飛上玻璃碧海東
春色何須羯鼓催

唱

君王元日頌春回牡丹為藥蕃薇朶都向
千官樽上開
雙金獅子四金龍噴出香雲繞殿中
太上垂衣
今上拜百王曾有箇家風
帝捧瑤觴玉座前綠衣三世祝
堯年
天皇八十一萬歲休說莊椿兩八千
天父晨興未出房
君王忍冷立風廊忽然鳴蹕珠簾捲萬歲

聲傳震八荒

花外班行霧外天何緣子細聖
龍顏小窺玉色真難老底用耀仙九轉丹
甘露祥風天上來今回恩數賽前回都將
四海歡聲裏釀作

慈皇萬壽杯

堯舜同時已甚都祖孫四世古今無誰將
寫日摹天手畫作 皇王盛事圖
甲戌王春試集英小臣曾是老門生蒼顏
華髮鶴行裏也聽鈞天九奏聲

謝齊集卷
題曹仲本出示譙國公迎請

太后圖自肅天仗以下皆紀畫也

德壽宮前春晝長宮中花開宮外香

太皇頤神玉霄上都人久不瞻清光今晨

忽見肅天仗翠華黃屋從天降一聲清蹕

萬人看天街冰銷樓雪殘北來又有一紅

繖八鸞三駢金轂端輦中似是瑤池母鳳

曳霞裳剪雲霧

太皇望見天開顏萬國春風百花舞乃是

慈寧太母回鸞圖母子如初千古無朔雲

邊雪旗脚濕御柳宮梅寒影疎向來慈寧

隔沙漠情鴈傳書鴈難託迎還駮馭彼何

人魏武子孫曹將軍將軍元是一縫掖忽

撥兩臂挽五石長揖罩于如小兒奉歸慈

輦如折枝切蓋天下只戲劇笑隨赤松蠟

雙屐飄然南山之南北山北君不見無飛

功成不抽身却道秦家丞相噴

正月二十四夜朱師古少卿招飲

小樓看燈

光射瑠璃貫水精玉虹垂地照天明風流

誰似朱夫子解放元宵過後燈
南北高峯醒醉時市喧都寂似巖幽君言
去歲西湖雨城外荷聲到此樓

送劉孔章縣尉得官西歸

早宴黃花詣粉闈晚接春草染朝衣却提
猛士弓彎日去掃封狐雪打圍綠鬢朱顏
君勝我青春白日我思歸何時共淪青厚
茗下看江鷗來去飛

和陸務觀惠五言

官縛春無分髯疎雪更欺雪間隨詞客事

外得心期我老詩全退君才句總宜一生
非浪苦醬瓿會相知

雲龍歌調陸務觀

墨池揚子雲雲間陸士龍天憎二子巧言
語只遣相別無相逢長安市上忽再值向
來一別三千歲王母桃花落幾番北斗柄
爛銀河乾雙鬢成絲絲似雪雨翁對面面
如丹借問別來各何向渭水東流我亦上
金印斗大直幾錢錦囊山齊今幾篇詩家
不怨吟不徹只怨天地無風月君不見漢

家平津侯東閣冠蓋如雲浮又不見當時
大將軍公卿雅拜如星奔祗今雲散星亦
散也無鹿登臺榭羊登墳何時與君上廬
阜都將硯水供瀑布磨鎌更斫杖柔樹擣
皮作紙裁煙霧雲錦天機織詩句孤山海
叢今已開上已未有游人來與君火急到
一回一杯一杯後一杯管他玉山頽不頽
詩名於我何有哉

再和雲龍歌留陸務觀西湖小集
且督戰云

我願身為雲東野化為龍龍會入淵雲入
岫韓子却要長相逢作意相尋偏不值不
知今年是何歲刻藤玉板贈一番廷珪烏
丸灑未乾乃是故人陸浚儀詩骨點化黃
金丹謂宜天祿貯劉向不然亦合雲臺上
却令去索催租錢在却清風明月三千篇
夜裝明發走不徹半篙刺碎叢灘月老夫
不願萬戶侯但願與君酒船萬斛同拍浮
老夫不怯故將軍但怯與君筆陣十里相
追奔少陵浣花舊時屋太白青山何處墳

二仙死可埋丘阜二仙生可著韋布若挂
廣寒宮裏樹非煙非雲亦非霧長使玉皇
掉頭誦渠句詩府誰得玉篋閑詩壇誰授
黃鉞來留君不住君急回不道西出陽關
無此杯西山金盃儘渠頽斯游明日方
懷哉

上巳日予與沈虞卿尤廷之莫仲
謙拓陸務觀沈子壽小集張氏北
園賞海棠務觀持酒醉花予走筆
賦長句

雪

東風吹我入錦幄海棠點注燕支薄不論
冝雨更冝晴莫愁傾國與傾城半濃半淡
晚明滅欲開未開最奇絕只銷一線日脚
紅頰列千株開綺雲偉哉詩人柔苧翁持
杯酌酒澆艷叢坐看玉頰添醉暈為渠一
醉何須問

再和

太空無壁不可怪顛夙莫動花肌薄一春
纔有一日晴帝里游人爭出城青天如水
綠煙滅晴與海棠成兩絕坐中賓主詩中

仙開口揮毫俱玉雪清泉白石欠此翁若
為挿脚鷄鷺叢老眼作花花作暈多慙猿
鶴頻相問

醉卧海棠圖歌贈陸務觀

帝城二三月海棠一萬株向來青女拉滕
六戲與一搯即日枯東皇夜遣司花女午
接紅藍滴清露染成片片淨練酥亂點梢
梢酣日樹蓬萊仙人約老翁寄殘招喚陸
龜蒙為花一醉也不惜就中一事最奇特
海棠兩岸繡帷裳是間橫着雙胡床龜蒙

踞床忽倒卧烏紗自落非風墮落花滿面
雪霏霏起來索筆手如飛卧來起來都是
韻是醉是醒君莫問好箇海棠花下醉卧
圖如今畫手誰姓吳

嘉定元年春三月男長孺編定
端平元年夏五月門人羅茂良校正

誠齋集卷第十九

詩齋集卷
誠齋集卷第十九
...

誠齋集卷第二十

廬陵楊 五里 廷秀

詩

朝天集

寒食雨中同舍約游天竺得十六
絕句呈陸務觀

游山不合作前期便被山靈聖得知只等
五更傾一雨三更猶是日明時
筍輿衝雨後衝泥一徑深深只覺遲孤塔
忽從雲外出寺門漸近報儂知

住山何敢望他僧只是游山也不曾可惜
一條杉檜路都將濕了不教行
破雨游山也莫嫌却緣山色雨中添人家
屋裏生松樹穿出茅簷却覆簷
小溪曲曲亂山中漱水濺濺一線通兩岸
桃花總無力斜紅相倚臥春風
老檜如幢翠接連山茶作塔綠榮纏山僧
相識渾相忘不到山中十五年
三峯小石一方池下有機泉仰面飛坐看
跳珠復拋玉忽然一噴與簷齊

清遠溪中小閘頭遮攔溪水不教流山僧
為我放一板濺雪奔雷怒未休
城裏哦詩在剡鬣山中物物是詩題欲將
數句了天竺天竺前頭更有詩
忽見金絲嬌綺疏又驚寒食到來初不知
打盡西湖柳挿遍長安萬戶無
禪房寂寂水潺潺澗草巖花點綴間忽有
仙禽發竒餐頻伽來自補陀山
雨裏匆匆怨出郊晴時不出却誰教西湖
北畔若園裏無數桃花只見梢

戶戶游春不放春只愁春去不愁貧今朝
道是游人少處處園亭處處人
若道尋春被雨催如何隨處兩三杯晚晴
曉雨如翻手有底虧儂不好來
萬頃湖光一片春何須割破損天真却將
葑草分疆界葑外垂楊屬別人
驕頂花枝儘鬧裝游人未暮已心忙無端
更被千株柳展取蘇堤分外長

皇太子雨中賞梅偶成

日到青宮分外長梅兼白雪一時芳
儲皇更著瓊瑤句句裏天葩別樣香
玉洞堂下一梢長倚賴春風壓衆芳妙句
忽從天上落千花從此總無香

謝

皇太子三月十九日召宴榮觀堂

頌賜金杯禪羅

春草池塘太液旁水精宮殿牡丹香慙非
綺里攀鴻翼也侍承華宴鳳在玉唾銀鈎
看落筆繡袍金靴拜盈箱迎門兒女牽衣

袖搜得隨侯與夜光

錢趙子直制置閣學侍郎出帥益
列分未到五更猶是春二十八字
為韻得猶字

錦水花潭照碧油西清學士舊鰲頭隨身
琴鶴如清獻治蜀功名更武侯無晚十行
看暮召不應三峽隔辰猶垂楊管得人離
別舞破春風勸玉舟

鑠宿省中心氣大作通昔不寐得
兩絕句

酒病春愁恰併來更衝花信宿鸞臺睡卿
堆子無三里玉漏聲聲只喚回
絕恨詩人浪許癡四更無睡只哦詩老鈴
枕手眠窓底急雨顛風總不知

送王恭父監丞倅潼川

淡墨倫魁故少年蓬山壁水得詩仙集賢
學士看文筆國子先生費酒錢濯錦江頭
頻入夢桃花水面送歸船平分風月真聊
爾不日來朝尺五天

題徐載叔雙桂樓

檢

遙憐天上桂華孤月中何不種兩株唐人
此句真絕唱後來詩人半語無向來何夕
秋風起吹脫廣寒雙桂子落向君家樓閣
前種玉開花今幾年清宵雙影寫窓戶却
兼月裏成三樹年年八月九月時黃金粟
綴青瑤枝秋風吹香入月去風回却帶天
香歸客齊仙人為作碑誠齊老人為作詩
金墓玉兔已傳誦莫問姮娥知不知
七無 拓陳益之李兼濟二主管小酌益
之指蠶豆云未有賦者戲作七言

蓋豌豆也吳人謂之蠶豆

翠莢中排淺碧珠甘欺崖蜜軟欺酥沙瓶
新熟西湖水添榻分膏曉露腴味與櫻梅
三益友若因蠶繭一絲約老夫稼圃方雙
學譜入詩中當稼書

初夏清曉赴

東宮講堂行經

和寧門外賣花市

剝雨殘風一向顛花枝酒殘雨無緣忽逢
野老從湖上誓取若園剝內前為藥截留

春去路鹿葱禮上夏初天衆紅半霎聊經
眼不在皇列第二手

積雨新晴

駕幸聚景園擬口號

帝心憂麥復憂桑一念通天轉雨暘五色
日華銷積靄三春花草殿餘芳黃雲暖照
天顏喜紅藥濃熏禁籞香見說都人爭出
郭觀聲舞倦萬垂楊

跋陸務觀劔南詩藁二首

今代詩人後陸雲天將詩本儲詩人重尋

子美行程舊盡拾鑿均怨句新鬼嘯戒帝
巴峽雨花紅玉白劔南春錦囊緒罷清風
起吹及西窓月半輪

劔外歸乘使者車溯東新得左魚符可伶
霜鬢何人問焉用詩名絕世無彫得心肝
百雜碎依前途轍九盤紆少陵生在窮如
蟲千載詩人拜蹇驢

新晴讀樊川詩

江妃瑟裏芰荷風淨掃癡雲展碧穹嫩熟
便嗅疎小扇斜陽酷愛弄飛蟲九千刻裏

春長雨萬點紅邊花又空不是樊川珠玉
句日長淡殺箇衰翁

駕幸聚景晚歸有

旨次日歇泊

身在長安夢故山故山未去且長安落紅
滿地莫教掃新綠隔牆聊借看竹葉勸人
行樂事榴花為我遣春寒賜休又得明朝
睡不問三竿與兩竿

都下食筍自十一月至四月戲題

竹祖龍孫渭上居供儂樽俎幾年餘班衣

戲絲春無價玉版談禪佛不嫌若怨平生
食無肉何如陋巷飯斯蔬不須庾韭元脩
菜喫到憎時始憶渠

醖醖

以酒為名却謗他冰為肌骨月為家借令
落盡仍香雪且道開時是底花白玉相頭
千點韻綠雲堆裏一枝斜休休莫斲西莊
柳放上松梢分外佳

蚤謁

景靈宮聞子規

帝里都無箇裏寬
苑深地禁到應難
蔚然綠樹去天近
上有子規啼月殘
便覺恍如還故里
不知聞處是長安
野蓄薇發桐花落
孤負南溪老釣竿

南海陶令曾送水沈報以雙井茶

二首

嶺外書來謝故人
梅花不寄寄爐熏
辨香急試博山火
雨袖忽生南海雲
苒惹鬚眉清入骨
繁盈牕几巧成文
瓊琚作報那能辨
雙井春風較一斤

沈水白城第一良
白城上岸更差強
黑炭骨節龍筋瘠
斑出文章鵬翼張
袞盡殘膏添猛火
熬成熟水趁新湯
素馨熏染真何益
畢竟輸他本分香

以六一泉煮雙井茶

鷹爪新茶蟹眼湯
松風鳴雪兔毫霜
細叅六一泉中味
故有涪翁句子香
日鑄建溪富退舍
落霞秋水夢還鄉
何時歸上滕王閣
自看風鑪自煮嘗

謝人送常列草蟲扇

生怕炎天老又逢草蟲扇子歡奇切還將
多稼亭前日卷盡西湖柳上風蚱蜢翅輕
塗翡翠蜻蜓膏細滴猩紅舊時綠鬢常刻
守今作霜鬢一禿翁

謝福建提舉應仲實送新茶

詞林應瑒繡衣新天上茶仙月外身解贈
萬釘蒼玉勝分甞一點建溪春三杯大道
醺然後七椀清風爽入神聞道閩山官况
好何時乞得兩朱輪

甞枸杞

壘

芥花菘苔饒春忙夜吹仙苗薯晚甞味抱
土膏村復脆氣含凡露嚙猶香作齋淡着
微施酪茗茗臨時莫過湯却憶荆溪古城
上翠條紅乳摘盈箱

幼圃

蒲橋寓居度有剗方石而實以土者
小孫子藝花窠菜本其中戲若幼圃
寓舍中庭方半弓驚泥為圃石為墻瑞香
萱草一兩本葱葉焯苗三四叢穉子落成
小金谷蝸牛卜築別珠宮也思日涉隨兒

戲一選惟看蚊得通

同三館錢王恭父監丞分韻予得

何字

去歲從遊泛綠波西湖今日又新荷生來
長是歡悰少老去更堪離別多客裏送君
留不住尊前為我飲無何休休萬事付一
醉為報驪駒未要歌

送伍耀卿監廟西歸

敬軒居士子昏孫河出昆命字有源秋鶚
屢看書襮表春風雨度對堯軒釣竿已拂

珊瑚樹柱芴新霑雨露恩暫作祝融香火
吏裏輪早晚到柴門

謝岳大用提舉郎中寄茶果藥物

三首

瓷瓶蠟紙印丹砂日鑄春風出使家白錦
秋鷹微露瓦青瑤曉樹未成芽松梢鼓吹
湯翻鼎甌面雲煙乳作花喚醒老夫江海
夢呼兒索鏡整烏紗

右日鑄茶

新羅上黨各宗枝有兩曾參果是非入手

詞苑集卷
截來花暈紫聞香已覺玉池肥舊傳飲子
安心妝新擣珠塵看雲飛珍重故人相問
意為言老矣只思歸

右紫團參

三轉萬里半天松方丈蓬萊更復東珠玉
鍊成十歲寶冰霜吹落九秋風酒邊腦膊
牙車響座上須臾添榻空新果新嘗正新
暑繡衣使者念山翁

右新松賈

西府直舍盆池種蓮

飛空天鏡隨莓苔玉井移蓮旋旋栽坐看
一花隨手長挨開半葉出頭來稍添菱荇
相縈帶便有龜魚數往回剝欲遠池三兩
匹數聲排馬苦相催

西府寒泉汲十尋深澆淺灑碧森森高花
已照紅粧鏡小蒼新抽紫玉簪鈿破尚餘
新雨痕緞踈終作半池陰西湖瘦得盆來
大懶更伴詩人忍不禁

東宮講退觸熱入省倦甚小睡

兼葦下直直幾廷新暑熏人睡不成到得

曲肱貪夢好無端急雨打荷聲起看翠蓋
如相戲乱走明珠却細傾歸路關心最涼
處水風四面一橋橫

和周元吉省中新竹

青士何年下大荒羽儀禁省立如播錦綉
半脫娟娟玉粉節新塗拂拂霜帶雨小酣
三日後出林忽喜一梢長今年秋閨防多
暑剝供先生格外涼

題尤延之右司遂初堂

漫仕風中絮歸心水上鷗把茅新結屋菘

杖舊經丘花底春勾引燈前夜校讎何如
添我住二老更風流

詩瘦山如瘦人退室更遐荒林庾信宅古
木謝敷家醫國君臣藥逃若子母瓜只愁
歸未得緣却白鷗汝

七字謝紹興帥立宗卿惠楊梅

梅出瞿山世少雙情知風味勝他楊玉肌
半醉紅生粟墨暈微深深紫裳火齊堆盤
珠徑寸醴泉繞菑柘為漿故人解寄吾家
果未變蓬萊閣下香

越絕諸楊盛一時與儂凡葛不曾知老夫
自笑吾衰矣此客何從夢見之也解過江
尋德祖政緣作尹是立逢渠伊不是南村
汎未分先驅事荔枝

小桃

小桃着子可憐渠踈處全踈無處無併綴
一梢三十顆總枝欲折没人扶

送周元吉顯謨左司將漕湖北

君詩日日說歸休忽解西風一葉舟黃鶴
樓前作重九水精宮裏過中秋職親六閣

仍金馬喜入千屯看木牛繡斧^光華誰不
羨一員去國欠人留

又見周郎攜小喬武昌赤壁醉嬌饒蜀江
雪水來三峽吳苑風煙訪六朝秋日春花
出肝肺新詞麗曲入笙簫歸來却待金鑾
殿好看霜毛映珥貂

彼此江湖漫浪翁相逢逸宿首西東西窮
握手論詩後一笑投膠入漆中臨水登山
公別我青鞋布襪我從公貂裘已博江西
艇只待黃花半席風

簡陸務觀史君編修

聞道雲間陞士龍，釣臺絕頂嘯清風。却將
半掬催詩雨，灑入山村作歲豐。

負外治中高帝孫，幕中何幸有詩人。主人
不減西湖長青眼，無妨顧德麟。

故人趙彥先願託翁

送王季德提刑竇文女卿

寶諸依舊接英游，盪節何曾遠藻旒。卿月
便星銀漢曉，繡衣綵服太湖秋。豺當道上
狐何問，鷹擊霜前兔已愁。火急乎及供一

笑紫荷玉笋待君侯

贈都下寫真葉德明

我昔山林人不識，或疑謫仙或狂客。仰看
青天不看人，醉裏那知眼青白。一攜破硯
入長安，素衣成緇綠。鬢班上杖麒麟著，野
馬滄洲鷗鷺綴。孔鸞漢宮威儀既，不入貴
人樣。霸橋風雪又不見，詩人相不須覓鏡。
照清溪，我亦自憎塵俗狀。葉君著眼秋月
明，葉君下筆秋風生。市人請畫即唾罵，只
寫龍章鳳姿公與卿。肯來為予寫衰貌，擲

葉掉頭飲入妙相逢可惜遲十年不見詩
翁昔年少

初秋玩月

月華只是尋常日如何入秋頗清絕
在中庭滿地冰霜上寒窓一堂雪今宵無雨
風亦無涼氣却如風雨餘九列四海幾人
看作意得來尋老夫仙人餐霞燕朝日老
夫不願受此術不如掬月入杯中酒浪月
波供一吸老夫病肺怯清秋對酒不飲月
莫愁老夫未眠月未落相伴且到三更頭

送孫檢正德操龍圖出知鎮江

涸列太守去明列誰寄長江萬里流
雖有却煩三語掾龍章卧護兩淮秋
古來北府多若酒今復南徐說勝游
聊奉雙親小行樂即持荷橐侍宸旒

看花走馬紹興間彼此春風各少年
黃甲諸儒今幾許白頭同舍省東偏
昨宵歸夢月千里餘債欠君詩兩篇
已乞閩山一窠闕老身只要早歸田

食雞頭子二首

江妃有訣莫真珠
菰飯牛酥軟不如
手擘雞頭金五色
盤傾驪領珠千餘
夜先明月供朝嚼
水府龍宮恐夕虛
好與藍田餐玉法
編帛碎穀赤松書
三老瑞露凍成珠
九轉丹砂鍊久如
鼻觀温芳炊桂歇
菑根熟軟剝胎餘
半甌鷹乳中秋迎
一炷龍涎火室虛
却憶吾廬野塘味
蒲山柿葉正堪書

跋九延之左司所藏

光堯御書跋

表

光堯太上皇帝御書西漢書列傳目
上有璽文曰帝錄臣豪得之以示臣
万里謹拜手稽首作歌敬書于後

鸞臺長史老野僧
目前病鶴霜後蠅
文書海裏衮不了
黑花乱發雙眼睛
故人同舍尤太史
敲門未得心先喜
袖中傾下十斛珠
五色光芒射
隄几自言天風來
帝旁拾得復古殿
中雲一張向來
太上生朝罷勝日
光風花柳暖浣花
及理水雲容宣城
雞距針芒鋒
天顏有喜聊小試
西

京書目供游戲韓彭衛霍欣掛名舒向卿
雲感書字漢廷多少失意人九京寸恨不
作塵一朝翻入 聖筆底昭回之光喚渠
起小臣濫巾縫掖行手抄孝經不徹章何
曾下筆寫史漢再拜恭覓汗透裳太史結
廬伴鷗鷺錫山山下荆溪渡紅光紫氣上
燭天箇是深藏寶書處

賀
皇太子九月四日生辰
二
萬里茶遇

皇太子殿下誕彌令辰謹齋沐吟成
龍樓曲十解仰祝眉壽恭惟
令慈俯賜

采覓万里下情無任頌禱之至
日日龍樓問寢時雞人未動漏花遲前星
一點朝 天帝只有清臺太史知
清賞堂中無管弦鳳山樓上有雲煙 儲
皇側畔何人侍黃卷團圞是聖賢
子晉吹笙未是仙阿丕橫槊少全篇小吟
春著梅梢句一日東風四海傳

二聖多能似仲尼 儲皇家學自庭闈銀
 鈎已有 淳熙脚玉句仍傳 德壽衣
 明河查上有仙翁犯月撞星到碧穹金闕
 東邊銀榜處大書天地長男宮
 大安宮裏漆園椿子榦孫枝葉葉新今日
 四株高下碧相兼一樣八千春
 菊花潭上菊花開不是花潭是壽杯天賜
 生朝十斛水一年一斛送將來
 禹子湯孫兼聖賢一身雙羨古無前願陳
 萬國元良句不用金昭玉粹篇

東

少陽拜賜太陽旁黃菊紅萸滿壽觴陽德
 重重在初四不須九日是重陽
 光堯初御六龍天上直維參大火躔天意
 分明昌 宋德誕辰三世總丁年
 尤延之檢正直廬慰前紅木犀一
 小株盛開戲星延之
 水沈園裏綈風掃粟玉肌膚不肯肥元是
 金華學仙子新將掃葉染秋衣不應裝袞
 追時好無乃清癯物昨非為妬尤郎得尤
 物故將七字恹芳菲

送張定叟

直上雲霄未遣休分符京兆帝王列赤凡
窟裏無白額碧落班中改黑頭兩地好官
纔半武扁舟扁輿恰中秋只應銀信從天
降莫戀融峯與橋洲

紫叢衣鉢付南軒兄弟曾同半夜傳師友
別來真夢耳江湖相對各潸然但令門戶
無遺恨何必功名在早年君向瀟湘我閩
粵寄書只在寄茶前時予方上
章乞闕漕
新寒戲簡尤延之檢正

晡

梭

幻

逗曉添衣併數重隔晡剝熟尚斜紅秋生
露竹風荷外寒到雲惚霧閣中半點暄涼
能幾許古來憂傑總成空木犀香殺張園
了雪嗅金接欠兩翁

跋姜春坊梅山詩集

松風澗水打聰聲玉佩瓊瑤觸眼明當畫
如何桂秋月未春特地轉新鸞只銷一卷
梅山集幻出多般景物情老子平生有詩
癖為君焚却老陶泓

兼葦寮寒集鴛鴦不減應徐燕魏園中有

詞苑集卷
釣璜清渭叟向來授斨少陵壇錦心繡口
舉花草雪梳冰甌瀉肺肝身到梅山得梅
魄老夫更借一枝看

早朝

垂拱殿晚出東省

請外天難達留中日不遑烏啼金殿日鷺
集玉塔霜出晚緣堂白婦時報錄黃來年
六十一六十鬢蒼蒼

跋京仲遠所藏揚補之紅綾上所

作着色掀篷梅看圖

相雲暗天垂到地朔風裂山吹脫耳長江
萬頃一艇子一夜雪寒不成睡詩翁曉起
鬢髮鬆縮頸微掀黃篋蓬夜來急雪已晴
了東方一抹輕霞紅江梅的皜閑獨樹蓬
間截入梅尺許老榦新枝紫後青花瑯白
玉鬚黃金滿身滿面都是雪梅雪却與霞
爭明不知詩翁何處得霜鋸和雪和梅斲
將去恐是并剡快剪刀不然吳剛修月斧
下無根榦上無梢一眼橫陳梅半腰東省
柏出寒蕭蕭至今花頭雪未銷

拓

秋山

梧葉新黃柿葉紅更兼烏日與丹楓只言
山色秋蕭索繡出西湖三四峰

秋雨蚤作有歎

細雨澹無質安得更更有聲知何却作泥亦
能妨晨征宿昔忽過暄心知非里晴何須
暄晴極然後寒雨生寒暄使人覺妙物亦
何曾剪剪自神妙無乃與物矜造物本非
作觀者或強名老夫近稍聾此事每暇聽
平生感秋至此意今已平獨念老病身頗

不耐夙興何時歸故園晁眠困柴荆鳴鷄
亦不留好夢無吾驚他年憶此詩惘如宿
酒醒思歸已可喜而况真歸耕

寄題王椽德怡知縣成都新居

子美百花潭北莊君今在作詠歸堂山分
釵閣雲根瘦江送蓬婆雪汁香漱石枕流
紅錦浪浮家泛宅白鷗行何人夜誦相如
賦給札蘭臺看堵墻

左藏南庫西廡下紘罔負暄戲題

左幣火禁清寒非人間有也而庫官

孔仲石段季承史伯載心匠天巧創
一火罔不薪不炭暖亦非人間有予
以小暘谷若之且賦絕句

水衡仙客住冰天雪窖風餐更禁煙不是
移來小暘谷老夫凍折兩詩肩

賀

皇孫平陽郡王十月十九日生辰

萬里恭遇

皇孫節使郡王誕彌令辰謹齊沐吟
成七言律詩一首仰祝眉壽恭惟鈞

鈞慈府賜

采覽萬里下情無任祝頌之至

前星炳煥領孫星環拱中天日兩輪四葉
重光固聖世千秋佳節近生辰本支秀茂
且復旦典字熙明新又新喜入威顏天一
笑壽觴分賜一枝椿

白紵歌舞四時詞

春

人生春睡要足時海波可乾山可移珠宮
宴罷曉星出不是天上魚鳴雞昨來坐朝

到日落君王何曾一日樂上林平樂半蒼
苔桃花又去揚花來

夏

四月以後五日前麥風槐雨黃梅天君王
若道嫌五月六月尖蒸又何說水精宮殿
冰雪山芙蓉衣裳菱芡盤老農背脊曬欲
裂君王猶道深宮熱

秋

星芒欲滅天風急月輪猶帶銀河濕青女
推冰作冷霜吹到瑛圉飛不入葶羅山下

浣紗人萬妃無色抵一身嬌餘貴極醉玉
軟強為君王踏錦綉

冬

祗愁窮臘雪作惡不道雪天好行樂玻璃
瑛底回青春蒲萄錦外舞玉塵陽春一曲
小垂手勸君一杯千萬壽今年斛穀才八
錢明年切莫羨今年

行路難

君不見河陽花今如泥土昔如霞君不見
武昌柳春作金絲秋作帚人生馬耳射東

風柳色桃花却長久秦時東陵十戶侯
華蟲被體腰蒼瓊漢初沛邑刀筆吏折腰如
磬頭捨地蕭相厥初謁邵平中廷百拜百
不應邵平後來謁蕭相故侯一拜一惆悵
萬事及覆何所無二子豈是大丈夫窮通
流坎背偶爾搏技未必買捨榆華昏別是
一天地醉却何曾有生死儂欲與君歸去
來千愁萬悵付一杯

老夫少時不信老長笑老人恃年少如今
老矣不笑人却被少年開口笑少年何苦

笑老人老人舊日顏如春興來百瑤山墮
玉醉後千篇筆有神自古聖賢皆白骨誰
道今人不見古時目孔子盜跖俱塵埃杜
陵老人今亦安在哉

黃金築臺賜白璧車前八駟門列戟徹侯
萬戶秩萬石珠戶玉房貯傾國傳呼一聲
萬人開將軍相國天上來不知道旁雍門
子已歎麋塵登高臺雍門解遣孟嘗泣孟
嘗不泣渠何急只知富貴如雲浮不知貧
賤飢死寒死愁不愁

長門陳阿嬌却要一生金屋貯嬌饒長信
班婕妤却要一生纨扇從玉車妾心祇作
專房地別人亦有承恩意妾心不肯著別
人君心還肯如妾心春風秋月渾不管花
落花開空自怨千秋萬歲一笑休月明空
照古今怨

造化小兒不耐困阿兄阿姊一似顛兩手
雙弄赤白丸來來去去繞青天赤丸才向
西山沒白丸又向東山出只銷三萬六千
回雪色少年成皺鐵鐵色頭鬢却成雪雙

凡繞從地下復上天少年一入地下更不
還日日喜歡能幾許况有煩惱無喜歡莫
言酒不到劉伶墳上土劉伶在時一醉曾
三年明珠一百斛更添百斛也只心不足
侯印十九枚更添一倍也只眉不開先生
笑渠不行樂莫教人笑先生錯

喜定元年春三月男 長孺 編定

端平元年夏五月門人羅 茂良 校正

誠齋集卷

誠齋集卷第二十

誠齋集卷第二十
 詩
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十

誠齋集

卷第二十

一校平

